

# 溪蛮丛笑

朱辅

文硕阁

wenshuoge.com

## 目录

|              |   |
|--------------|---|
| 关于我们 .....   | 3 |
| 溪蛮丛笑全文 ..... | 5 |

# 版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

## 什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

## 传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

## 如何联系我们？

网站：[www.wenshuoge.com](http://www.wenshuoge.com)

邮箱：[7sbook@duck.com](mailto:7sbook@duck.com)



(扫码访问网站)



(扫码加客服微信)

# 溪蛮丛笑全文

## 提要

《溪蛮丛笑》一卷。宋朱辅撰。辅字季公，桐乡人，不详其仕履。惟《虎丘志》载：所作咏虎丘诗一首，知为南宋末人耳。溪蛮者，即《后汉诗》所谓五溪蛮者。《怀太子注》称武陵有雄溪、橐溪、西溪、澹溪、辰溪、悉是蛮夷所居，故谓五溪蛮。在今辰州界者是也。辅盖尝服官其地，故据所闻见作为是书。所记诸蛮风土物产颇备，如阑干布之传于汉代、三脊茅之出于包茅山、数典亦为详瞻。至其俗尚之、异种类之别曲折纡悉，胪列明晰。事虽鄙而词颇雅，可谓工于叙述，用资考证多益见闻，固不容以琐屑废矣。

## ○木契

刻木为符契，长短大小不等，冗[穴]其傍，多至十数，各志其事，持以出验，名木契。

## ○玃党

出入坐卧必以刀自随，小者尤铍利，名玃党。

## ○钓藤酒

酒以火成，不醉不葛，两缶东西以藤吸取，名钓藤酒。

## ○金鸡

羽族似雉者，金项火背，斑尾扬翹，志意揭骄，笼之不能驯。

## ○茅花被

玃猪无绵，揉茅花絮布被。一被数幅，联贯以成。山獠皆卧板，夜燃以火。玃猪视獠则为富矣。

## ○辰砂

辰锦砂最良。麻阳即古锦州，旧隶辰郡。砂自折二至折十，皆颗块。佳者为箭簇，结不实者为肺砂，碎则有趣起。末则有药砂。砂出万山之崖为最，玃猪以火攻取。

### ○玃猪裙

裙幅两头缝断，自足而入，阑斑厚重。下一段纯以红范，史所谓独力衣，恐是也。盖裸袒以裙代袴，虽盛服不去。去则犯鬼。

### ○金系带

硃石出黎溪，今大溪、深溪、竹寨溪、木林冈石皆可乱真。紫石、胜揭石、热[熟]猺、亦能砺砥，黎溪为最。盖于淘金井中取之，近亦艰得。有紫绿二色，围黄线者，名金系带。

### ○粉红水银

水银出于朱砂，因火而就。或谓砂复生水银，非也。名粉红水银。

### ○砂床

石之不碎而砂附着其上者。名砂床。

### ○水秀鐵

鐵之精英在水数十年者，名水秀。

### ○顺水班

蚕事少桑多柘茧，薄小不可纴。可缉为紬[绸]，或以五色间染布为伪，名顺水班。

### ○葫芦笙

潘安仁《笙赋》曲沃悬匏，汶阳孤筱，皆笙之材。蛮所吹葫芦笙，亦匏筱余意，但列管六，与《说文》十三簧不同耳，名葫芦笙。

### ○燕子花

紫花全类燕子，花生于藤，一枝数葩。

### ○不阑带

蛮女以织带束发，状如经带。不阑者，斑也。盖反切语。俚俗谓团为突栾，孔为窟

笼[窿]。亦此意也。

### ○野鸡斑

枋板皆杉也，木身为枋，枝梢为板。又分等则。曰出等甲头，曰长行，曰刀斧，皆枋也。曰水路，曰笏削，曰中杠，皆板也。脑子香以文如雉者为最佳，名野鸡斑。

### ○娘子布

汉传载阑干。阑干，獠言纒，合有续织细白苧麻，以旬月而成，名娘子布。

### ○点蜡幔

溪洞爱铜鼓甚于金玉。每模取鼓文以蜡刻板印布，入靛缸渍染，名点蜡幔。

### ○丝金

沙中拣金，又出于石。碎石而取者，色视沙金为胜。金有苗路，夫匠识之，名丝金。

### ○马王菜叶

[叶]似蔓菁，味苦多刺，即诸葛菜也。

### ○三脊茅

麻阳苞茅山，茅生三脊。孟康曰零茅，扬雄曰璫茅，皆三脊也。齐桓公责楚苞茅不入者，即此。

### ○雅衔草

紫草，《尔雅》谓之藐。《广雅》谓之茈■〈𠂔𠂔〉。《本草》云：“”生楚地，三月采根，阴干。獠人以社前者名为雅衔草。

### ○鸡骨香

降真本出南海，今溪洞山僻处亦有，似是而非，劲瘦不甚香，名鸡骨香。

### ○出山银

西溪接靖州境，出铅。以中有银，银体差黑。未经坏销，名出山银。

### ○鸡末子

古有细虫曰焦螟，集于蚊睫。蛮地有虫，极细，拭目难覩，黑点着身，抓搔不可耐，名鸡末子。

### ○九肋鳖

沙鳖似马蹄者佳，九肋出沅江。

### ○铜鼓

蛮地多古铜，有铜柱，马希范所立。麻阳有铜鼓，盖江水中掘得，如大钟，长箫三十六乳，重百余斤。今入天庆观。并有铜像二，相传唐明皇像。余散他处，鼓尤多。其文环以甲士，中空，无底，名铜鼓。

### ○不乃羹

牛羊膋脏畧摆洗，羹以飧客，臭不可近。食之既，则大喜。《岭表录异》曰：交趾重不乃羹，先鼻引其汁。不乃者，反切摆也。

### ○圈布

桑，味苦，叶小，分三义[叉]，蚕所不食，玃獠取皮绩布，系之于腰，以代机，红纬回环，通不过丈余，名圈布。

### ○竖眼玃獠

玃獠，蛮之尤怪者，两目直生，恶青衣人，遇之则有祸。去麻阳百余里，不常见。

### ○独木船

蛮地多楠，有极大者，剝以为船。

### ○芷

香草，见《离骚》，有一穗数花，与蕙芷不同，开亦先后，皆兰类也。



### ○黄猫头

蚩类，不巾，发卷曲，照日金色，故名。

### ○光面蜡

蜡出山不经伪者，名光面。作伪者杂以粟。

### ○飞絇

土俗。岁节数日，野外男女分两朋，各以五色彩囊豆粟，往来抛接，名飞絇。

### ○客鼓

鼓之节不一，有暗箭鼓、集人鼓、犒设鼓、飧客亦以此，远近听以为准。酒酣，少有参商，则鼓声随变。终无他者，名客鼓。

### ○固项

牛漆牛皮以护头颈，名固项。

### ○银鹑鸠

狔狔之富者，多以白金象鸟兽形为酒藤，或为牛角，鹑鸠之状尤多。每聚饮，盛列以夸客。

### ○筒环

狔狔妻女年十五六，敲去右邊上一齿，以竹围五寸长三寸裹锡，穿之两耳，名筒环。

### ○门欸

彼此歃血誓约，缓急相援，名门欸。

### ○大设

富洞以九月燕[宴]，及三年一犒，为大设。

### ○入地

玃狔自别洞奔来此地居止，名入地。

### ○鸬鹚号

战斗出入，羣聚发喊，以张声势也。

### ○羊栖

玃狔以鬼禁所居不着地，虽酋长之富，屋宇之多，亦皆去地数尺，以巨木排比，如省民羊棚。叶覆屋者，名曰羊栖。

### ○左右押衙

玃狔比猺猫则妄自尊大，岁时旦望，或客至，皆排衙，主盟其事者，为队公，又其次，名左右押衙。

### ○坐草

山猺潜出省地，茅苇中射弩夺物，机不虚发，名坐草。

### ○客语

能省民之言者，名客语。

### ○准把

互市踰约，价偿未足，则刼去。省民或甲以乙代，名曰准把。

### ○踏歌

习俗死亡，羣聚歌舞，辄联手蹋地为节。丧家椎牛多酿以待，名踏歌。

### ○雠杀

夷性好杀，一语不合便刺以刃，百十年必报乃已，名曰雠杀。

### ○专事

溪洞文移，他人不同，能特选往来之熟者，名专事。

### ○骨债

或为佣而亡，或以债而死，约牛牲若干偿还，其名曰骨债。

### ○走鬼

初夏，徙居数日，以舍祖居，否则有祸，名走鬼。

### ○鼻饮

玃狔饮不以口，而以鼻，名曰鼻饮。

### ○吃乡

秋冬之交，聚饮以乐，名吃乡。

### ○癆鱼

山獠无鱼具，上下断其水，揉蓼叶困鱼，鱼以辣出，名癆鱼。

### ○卖首

玃狔之受犒者，如熟户之獠，既纳款听命，纵其出入，省他州县差人管辖，或许自推首，名卖首。

### ○打寮

山獠穴居野处，虽有屋以庇风雨，不过剪茅义木而已，名打寮。

### ○生界

去州县堡寨远，不属王化者，名生界。

### ○呈生

祭祀必先以生物呈献，神许则杀以血和酒，名呈生。

### ○挖亲

山獠婚娶，聘物以铜与盐。至端午，约于山上相携而归，名挖亲。

### ○骨浪

獠獠睡不以床，冬不覆被，用三义木支阔板，旁燃火炙背，板焦则易，盖以板之易得也。以辗转之意，名骨浪。

### ○队小

玃獠之随从者，如军中行伍，名队小。

### ○舞杵

醉后以长柄木杵跳舞，亦有音节也。

### ○平坦

巢穴外虽峙嶮，中极宽广，且以一处言之，玃獠有鸟落平，言鸟飞不能尽也。周数十里皆腴田，凡平地名曰平坦。

### ○例牛

牛客多行桃源路，洞中占军事胜负及疾病祈禳，皆以牛，用名例牛。

### ○跳鸡模

艺精者，掷刀空中接之，名鸡模。

### ○洗面（缺补）

借人助相仇杀，以牛酒往谢，名洗面。

### ○奴狗

玃獠之为佣者，名奴狗。

### ○背笼

负物不以肩，用木为半枷之状。箝其项。以布带或皮系之额上，名背笼。

### ○葬堂

死者诸子照水内，一人背尸，以箭射地，箭落处定穴。穴中藉以木，贫则已。富者不问岁月，酿酒屠牛，呼团洞发骨而出，易以小函。或枷崖屋，或挂大木，风霜剥落，皆置不问，名葬堂。

### ○大十五

蛮乡最重重午，不论生熟界，出观竞渡，三日而归，既望复出，谓之大十五。■〈舟召〉[船]分五色，皂船之神尤恶。去来必有风雨。一月前，众船下水，饮食男女不敢共处。吊屈原，正楚俗也。

### ○隘口

凡众山环锁，盘纡峩嶷。絶顶贯大木，数十百穴，一门来去，此古人因谷为寨，因山为障之意，名曰隘口。

### ○十庄

数十年前，猺獠侵占虾蟆行寨。省地土人，申请招致靖州猺獠，防托借田买屋以居，名十庄院。

### ○沔榔

牛榔木多浆，猫猺岁饥阙食，则先以火窖地，握根置窖中，压以石，义用火沔熟（沔渍盦也），捣作饼饵，名沔榔。

### ○椎结

胎发不薙除，长大而无栉篋，不裸巾，蓬垢鬖鬖，自古已然，莫可化也，名椎结。

### ○富贵坊

竞渡预以四月八日下船，俗聚饮江岸，舟子各招他客，盛列饮馔，以相夸大，或独酌，食前方丈，羣蛮环观如云，一年盛事，名富贵坊。

### ○对刀

甲与乙有隙，两相斗敌，背牌护身，遂以标鎗，鎗尽挺刃而前，名对刀。

○出面

挖亲之后年生子，引妻携子归见妇家，名出面。